

حقوقی بیکسیر مجموعہ سی

ہر آئی سو کنندہ نشر اول نور

تصرف و اهلیت تصرف

تصرف بر عقدی ایجاب و یا اتمام و بروجیه بی در عهده و التزام ایده بیلگدر. عقودادن هرهانکی بر عقدی یا عقی و یا بشقه سنک بر ایجابی قبول ایله اتمام ایلمک بر تصرفدر ، بروجیه در عهده ایلمکدر . غیر ارادی فعلاردن معامله لردن و غیر ارادی بر فعل ایله مال اکتسابندن تولد ایدن بورجارل تصرف دکلدرد. تصرف مطلقا متصرفک تصرفده رضا و اختیار و موافقتی متضمندر. اراده و اختیار آنحق سالم و متکمل بر انسانک مالک اولدیغی حریت و سربستی فعل و حرکتدر. فقط اراده و اختیارده خلل موجود اولدجه رضانک تام اوله رق وجودی قبول ایده لمن. رضانک تمامی فقدانی حالنده تصرف یوقدر . رضاده خلل نه کی احواله موجود در ؟

مجله ایله یکی قانون مدنی هرایکیسه ده رضاسز تصرفانک بر حکم قانونی افاده ایده . میه جگنی قبول ایله برابر رضاده واقع خللی مختلف صورتده قبول ایتمش لردر .

مجله بر قیز چوجقده ۹ وارکک چوجقده اون ایکی یاشی سن بلوغک مبدائی و هرایکیسده ۱۵ یاشی منهای بلوغ عد ایدرک بوایکی یاش آره سنده اولوب بیع و شرایی فهم ایده بیلن صغیری مراقق میز قبول ایلیور (۹۸۶، ۹۸۷) و بالغ اولان و حتی بلوغی ، جنه سی متحمل اوله رق اقرار ایدن بر مراققک تصرفاتی مقبول فرض ایلیور ۹۸۹ ماده بونسکه برابر بر بالغک دخی غیر رشید اولدیغی یعنی مالی محافظه ده تقیدی بولندیغی (۹۴۷ ماده) حالده ده تصرفی منع ایده جگنی کوستریور (۹۸۱، ۹۸۲ ماده) دیمک که مجله جه اهلیت تصرف طقوز یاشدن باشلا یور . بو جوق ایرکندر و مجله نک بو حکمنی بالذات کنیدیسی نقض ایلمکده در. چونکه ۹۶۶ نجی ماده سنده صغیر غیر میزک ولیسی اذن ویرسه ببله تصرفانک اصلا صحیح اولمیدیغی کوسترلمش بولنسنه کوره ولو سلم بویله غیر میز اولان بر صغیره طقوز یاشده اوله رق جنه سی بلوغه متحمل اولسه ده بلوغی اقرار ایله بر عقدده بولنسه بو عقدی عدم تمیزی جهته صحیح اولماق لازم کلیر . حالبوکه ۹۸۹ نجی ماده ده ده بو عقدک صورت مطلقه نفوذ و اعتباری تصریح ایدلمش و حتی بالاخره بو اقرار بلوغی جرح ایله ببله عقدک فسخی قبول ایده جگنی بیان ایده رک ایکی حکمک یکدیگریله

مناقض اولدینی و تمیزک تصرفده شرط اساسی اولدیغه کوره بلوغدن بجه محل اولیه جنی آکلاشیله مامشدر. فی الواقع اراده واختیار مبحثده بلوغک یرکونه علاقهمسی مفروض اولهمیه جفندن مجله نك بلوغ، رشد، تمیز دیه تصرفه اهلیت ایچون وضع ایلدیکی اساسلر یکدیگری تشویش ایلمکده بولمیشدر.

بلوغ صفرک ختامی اوله رق قبول ایلمسسه کوره تمیزه اساس اوله رق قبول ایلمش کورینور، حالبوکه بلا تمیز بلوغ حالده اهلیت تصرف موجود اوله ییلورمی؟ مجله بالغ اولیانی صورت مطلقده چوجق عد ایدیور و اهلیته تصرف ایچون تمیزی آنجق صغیره آرایور (ماده ۴۳) بلوغدن صکره اهلیت تصرف ایچون مجله جه شرط تمیز دکل رشدر، یعنی سفه و تبذیردن توقیدر. (۹۴۶، ۹۴۷، ۹۸۱، ۹۸۲ ماده لر) بوجهله اسکي قانون هر بالغک، میز اوله جفنی مطلق عد ایلیور. حتی مجله نك بالغه میزی عین معنی وقونده استعمال ایلمکده اولدینی مواد مختلفه سی صراحتیه کوریرز. مثلاً بیع احکامنده ۳۶۱ نجی ماده ده رکن بیع ایچون میز تعیری و عین حکمده کفالت بحثده ۶۲۸ نجی ماده سندله بالغ تعیری قوللانیلمش و كذلك اجاره ده میز و هبه ده بالغ عین حکم و معناده استعمال ایلمشدر. بوا حکام خطادن سالم دکلدر. چونکه حادثات و حقایق احوال ایله مکذبدر. بونلر قطعی معیارلر اولدینی کبی اقلیم و بنیه مسئله سیدر. عمومی حکملره اساس اوله ماز. تأویلات و تفسیرات ایله مجله نك احکام مسروده سی بر شکل معقوله ارجاع ممکندر، اما بوء قانونک نقصانلنی ازاله ایتمز، اثبات ایدرکه ظهوره کش اولان نتیجه تشویش و معطی بر جوق مقررات غریبه هپ بوندن منبعشدر.

یکی قانون مدنی هیچ بلوغله مشغول اولمیه رق اون بش یاشک اکالنی مأذونیت تصرف ایچون برمبدأ (ماده ۱۲) و اهلیت تصرف ایچونده رشد و تمیزی مشترکاً اساس قبول ایلیور (۱۲). آنجق بوقانونده کی رشد مجله نك تعریف ایلدیکی رشد دکلدر. بوراده رشد صغیرک ختامی بیوک اوله دیمکدر که تقدیره دکل ایکی حادثیه مربوطدر. (۱) ۱۸ یاشک دوله سی، (۲) اولمه (ماده ۱۱) مع مافیه رشد منفرداً اهلیت تصرف بخش ایده مز، اکر رشید عقل خسته لنی و یا ضعیف لکی کبی عوارضله معقول صورتده حرکت اقتدارنده دکلسه میز دکلدر (ماده ۱۳) و بوحالده ده اهلیت تصرف یوقدر. (ماده ۱۴) ذاتاً سن تأهلده ارککده (۱۸) قادینده (۱۷) یاشک اکالیله باشلار. یالکیز اسباب مهمیه مبنی حاکم ۱۵ یاشک اکالنده اولنمکه مساعده ایده ییلور (ماده ۸۸) ایشته بو مستقنا احوالده قانون عائله نك

تشکلی ایچون زوجینک رشد و اهلیت تصرفی قبول ایشدر. زیرا اساساً میز اولمیان کیمسه نك تأهلی قانوناً ممنوعدر (ماده ۸۹). بوضورتله یکی قانون مدنی اهلیت تصرف حقنده غایت بسیط و معقول و منطقی احکام قویمش دیمکدر. اهلیت تصرف ایچون علی العاده ۱۸ یاشنی اکمال ایدوب معلولیت دماغیه کبی اسباب ایله قوای عقلیده خلل موجود اولماق کافیدر، بوحالده رضا و اراده نك تمامیتی شبهه دن بریدر. رضا و اراده مختل اولنجه بویله برکیمسه تصرفدن حجر اولنور. مجله سفه، عته، جنت، صغری سبب حجر عد ایدیور. دین ده بر سبب حجر اوله رق کوسترللمکده ایسه ده بو بایده کی احکامدن بونك حجر دکل یا احکام اجراییه و یا افلاس خصوصاته متعلق اولدینی آ کلاشلیور که قوانین مخصوصه سنه تابعدر، افلاس تجاریدن خارج معاملات حجریه ایسه مجله زماننده تطبیق اولنماش و ۹۶۴ نجی ماده ده موضوع بحث ایدیلن طیب جاهل کی عمومه مضرتی اولان کسانك حجری تصرفدن منع دیمك اولمدینی بالذات مجله نك تصریحیله متعین بولنمشدر. آنجق مجله اراده نك مختل بولنه جنی دها بر حال تصور ایشدر که اوده مرض موثر. مجله مریضك بیع هه کبی عقودله ایراد و اقرار کبی تصرفاته قواعد مخصوصه و تقیدات و تحدیدات معینه قویمشدر. حالوکه یی قانون مدنی مریضك سلامت فکریه سی یرنده اولدقچه صوك نفسه قدر تصرفاته اهل اولدینی اساسی قبول ایش. بالکیز میراث احکامنه تأثیری اوله جق تصرفات معینه ایله وفاتدن برسنه اوله قدر مدته پایلان تبرعاتی آنجق هراییکی قانون اکراه حالده اراده و اختیارك انسابی جهتیله تصرفی کأن لم یکن عد ایتمکله برابر یکی قانون اکراهك طرفیندن خارج بر شخص ثالثك فعلی اولدینی حالده بوندن علمی بولنمیان طرف دیکر ك مکره جانبدن عقدك فسخنده عندالحاجه ضرری نظر دفته آله جنی و هر حالده برسنه ظرفنده عقدی اجرا ایتمك قرارینك دیکر طرفه تبلیغی لازم کلوب عکس تقدیرده عقده اجازت و یرلش نظریله باقیله جنی احکام جدیده سنی وضع ایشدر (بورچلر قانونی ماده ۳۹-۴۰).

یکی قانون مدنی مجله نك سبب حجر عد ایله یکی یوقاریده تعداد ایدیلن احوال دن ماعدا عیاشلق، اختیارلق، معلولیت، تجربه سزلک، اداره سزلک کبی اراده نك ضعفی موجب احوالی و برسنه و دها زیاده حریتی سالب بر جزا ایله امورندن اوزا قلاشان کیمسه نك وضع عجزینی سبب حجر عد ایشدر (قانون مدنی ماده ۳۵۸، ۳۵۷، ۳۵۶) حجره کافی سبب بولنماقوله برابر قسماً مدنی حقارینی استمالده تقیید و تدبیرك فائده سنی موجب اوله جنی آ کلاشیان

کیمسه لرمده بر شکل جدید اوله رق بر مشاور تعیینده نظره آئیشدر (قانون مدنی) . یکی قانون مدنی کرک حجر و کرک و صیلک خصوصاً لرنده غایت مکمل تأسیسات و موضوعاتده بولنشدر . مجله نیک سکت و ناقص بولندینی بو خصوصاً لرده یکی قانون یک مهم و قاصرینک حقوقی تأمین ایله انواع سوء استعمالات و مبالغاتک رفع و ازاله سی امرنده یک شایان دقت احکامی محتویدر .

مجله صفارک و لیبی کیم اولدینی و ترتیب صرهرلینی ۹۷۴ نجی ماده سنده کوسترمش و حاکمه، حاکم تعیین ایلبیکی و صینک اب وجد و وصی مختار لرندن صکره برنجی درجه ده حق وصایتی بولندینی ذکر ایله برابر حاکم هر حالده بر نظارت عمومیه سنی ۹۷۵ نجی ماده سنده قبول ایله اکتفا ایشدر . تطبیقاً ده جریان ایدن معامله معلومه سی پدرک موجود اولدینی احوالده کیف مایشاء عالمدهن بر کیمسه نیک حسن حالی حقنده مجله دن علی العمیا کتیر یان بر شهادت نامه و بوباده یوریمدهن استماع قلنان ایکی شاهدله بر وصایت حقی ویریلور و کویا قضاة شرع و قساملر جانبندن و صینک حسابلری باقدیریلور و تصرفانده حاکم اذنی آلور، نفقه لرینک تقدیری اموال غیر منقوله لرینک حسب الزوم فراغ ویا وفاسی حاکم اذنبه یا ییلور و صفارک موجودی ایسام سند قلدننده ارباح اولنوردی . حقیقته اکثریا جیل شرعه و ترتیبات منفعت رستانه ایله و صیلر حقوق و اموال ایتمدن دیله دکلری وجهله انتفاع ایدرلر و چوق دفعه مع التأسف بتون بوباده کی اشکال صغیر لک دکل و صیلرک تأمین منافعی اینجوشمش شهبه سی حاصل اوله جق صورتده تطبیق ایدیلور و هر حالده حقوق ایتامک محافظه سی و صیلرک سودینه قالمش برشی اولدینی کوریلوردی . چونکه حکامک امور ایتمده کی مسئولیتلری آنجق وظیفه لری اعتباریه بر مسئولیت معنویه، دهاطو غریبی خیالیه دن عبارت قالیوردی . حالوکه حکومت حامیسز، بیکس چو جقارک محجورینک اموالک حسن اداره سنی، حقوقک محافظه سنی درعه ده ایتمی اساسات جمعیت اعتباریه طبیعی و بونی درعه ده ایتد کدن صکره بو حقوقک بحق تأمیننده بر مسئولیت مادیه تأسیس ایدلسی ده نتیجه منطقیه ضروریه دن کوریلور . ایشته یکی قانون مدنی بو اساس صحیحدن قیام ایله اول امرده چو جفک و ابویتنک چو جق و اموالنه قارشی وضعیت متقابله سنی شرائط طبیعیه و ایجابات فطریه دن ملهم اوله رق تعیین ایلش وبعده اونجی بابنده بر وصایت تشکیلاتی وجوده کتیرمش و اونجی بابده ده وصایتک فنی و تجاری بر صورتده اداره سی اساسلرینی کوستره رک و صیلرک اک اوافق

قصور و اہمال لرندن متولد ضرر لردن مسئول اولہ جقارینی و عین زماندہ وصایت دائرہ لری اولہ رق تعیین و ہر برینک غیر نمیزک امور و معاملاتندہ کی مداخلہ و صلاحیت لرینک درجہ سنی او چنچی فصلندہ تثبیت ایلدیکی صلح محکمہ سی ایلہ محکمہ اصلینک دہ وظیفہ لرینک ایفا سندنہ کی اہمال و مبالا لرینک تولید ایلہ جکی ضرر لری تضمین ایدہ جکلرینی و بونار طرفدن اودہ نمین ضرر لارک بالذات خزینہ طرفدن تسویہ ایدیلہ جکنی و بعض استئالردن قطع نظر توجیہ وصایتک وصی اولہ رق تعیین ایدیلن اشخاص معتبرہ ایچون بر مکلفیت و مجبوریٹ شکلنہ ارجاع اولندیغنی و بعض خصوصات متفردہ و معاملات معینہ نک تمشیقی امر ندہ موقت و کیلار یعنی قیملر نصب اولنہ بیلہ جکنی تعیین ایلشدرد. بالہایہ ححرک صورت زوالیلہ وصینک ختام وظیفہ سندنہ کی مکلفیت لری صریح و قطعی و منطقی بر صورتدہ اراہ اولنشدرد. بوا حکام حقوق محجورین، تشکیلات عائلہ تأییدات بنیان جمعیت امر ندہ مجلہ اساساتک ہیچ دہ نظره آلہ مدینی احکام مہمہ جدیدہ دندر. فی الواقع قانون مدینک ۲۶۱ نجی مادہ سی چوجنک تربیہ و اعاشہ سنہ مقتضی مصارفی ابوینہ تحمیل ایلککہ برابر ۲۸۱ نجی مادہ سندنہ چوجنک کندی اموالنک حاصلاتک دہ اول امر دہ کندی اتفاق و تربیہ سنہ صرف ایدیلہ جکی و حتی بو حاصلاتک فضلہ سی عائلہ نک مصارف عمومیہ سی میانہ داخل اولہ جنی و ۲۸۸ نجی مادہ سندنہ ابوینک بو حق انتفاعی تأیید ایدیلککہ برابر بالاخرہ چوجنک اموالنک کندیسنہ اعادہ سندنہ ابوینک مسئولیتی دہ تعیین اولنشدرد. مع مافیہ چوجنک قرائنجی دہ ۲۸۳ نجی مادہ ایلہ یانلرندہ بولندجہ ابوینہ بر اقل مقبلہ و ۲۷۸ نجی مادہ ایلہ چوجنک ماللرینی اداره بلا حساب و لائامینات ابوینہ تودیع ایدیلککہ برابر سالف الذکر ۲۶۱ نجی مادہ چوجنک اموالنک عینلرندن بر مقدارینک دخی کندی اعاشہ و تربیہ سنہ صرفنک حاکمک مأذونیتنہ وابستہ اولدیغنی قید ایلشدرد. بویلہ جہ قانونک طرفینک منافع متقابلہ سنی نظر دقتدن اوزاق طو تمامق ایستہ دیکی آکلا شلمق دہ در. مثلاً: قانون مذکورہ کورہ چوجق ابوینک تحت وصایتندہ اولوب قوت و قابلیتہ کورہ تربیہ دینیہ سنک سوق و تعیینی و عندالحاجہ چوجنک تأدیی و اشخاص ثالثہ یہ قارشی تمثیلی ابوینہ عائد بولندیغنی کبی عائلہ منافعنک ایجاباتنہ توفیقاً متقابلاً اولاد و ابوینک یکدیگرہ معاونت و رعایتی دہ تأییدات قانونیہ آلتنہ آلتنشدرد (قانون مدنی مادہ ۳۶۰ الی ۳۶۸). بالمقابلہ ابوین وظیفہ لرینی ایفا ایتدک لری، چوجنک تکاملی تحت تہلکدہ قالدینی و ابوین ولایتی ایفادن عاجز و یا اہمال و سوء استعمالدہ بولمق کبی احوال ظہور ندہ قانون حاکمک مداخلہ سنی و ولایتک ترغنی

حقى عندالحاجه حكومتجه مصارفك درعهده ايديلهرك چوجفك تأمين تكاملى خصوصاتى ده
درپش ايده جك قدر مشفقانه احكام وضع ايشدر (۲۷۱ الى ۲۷۷)^{ماده}
محجورينك تصرفاتى حقنده موجود احكام ايله اسكى ويكى قانونلر بيشده بوبابده قيد
اوله بيله جك فرقلر كوسترل كدن صكره بخمىزى تكميل ايلك ايچون محجورينك افعالندن
غير ارادى وحقسنر معاملاتندن حاصل اولان نتايج حقوقيه خصوصنده ده ايكي قانونك
فرقلىرى نظر تدقيقدن كچيرمكلكمز لازمدر .

مجله (۹۰ ، ۹۲ ، ۹۳ ، مادهلر يله ۹۱۲ ، ۹۲۲ ، ۹۲۴ ، ۹۲۵ نجى مادهلرنده افعال
اراديه وغير اراديه ايله مباشره^۱ ومتسيباً^۲ وقوع بولان ضررلرلر تضييعى اساسلرى قويمش
ومباشره^۳ ايقاع اولان ضررلرلر صورت مطلقهده تضييعى حكمى قبول ايشدر . حقى
۹۱۶ نجى مادهلرله برصبي ديكرلر مالى اتلاف ايتسه كندى مالدن ضمان لازم كلوب
وليسنه تضييع ايتديريلميه جكنى تصريح ايشدر . يكي قانون مدنى غير ميزلرلر افعال
وحر كاتندن متولد ضررلرلر تضييعى لازم كله جكنى صورت مطلقهده قبول ايتيور .

بوبابده حاكمه برحق تقدير ويريور ، حاكم متضررك وقوع ضررده قصور وتكاسلى
اولوب اولمدينى ، غير نميزه [*] قابل اسناد بر تصور موجود بولنوب بولندينى طرفينك
ضررك وضع ودرجه وحالى بوبابده كى كافه خصوصاتى نظره آلهرق حقايت اقتضا
ايديريورسه غير ميزك ايقاع ايلديكى ضررى تضييع ايتديريلميه جكنى وحق ايجاب حال
ومتقتضيات عدالته كوره بوتضمينكده ياضررك تمامى وبارقسى ايچون حكم ايديله بيله جكنى
بورجلر قانونك ۵۴ نجى مادهسى تصريح ايشدر .

حقى حاكمك قصور اولوب اولمديغنه وحقسنر فلك فاعلك تميز قوتى حازر بولنوب
بولنديغنه ضرر مقدارى حقنده قرار ويرمك ايچون حق تقديرينك پك واسع ومطلق
اولوب بوبابده نه جزا حقوقك احكاميله ونده خصوص مذكوره دائر محكمه جزائيه نك
اعطا ايلديكى قرارله تقييد ايديله بيله جكى كذلك قانون مذكورك ۵۳ نجى مادهسى جمله^۴
احكامندندر . هرايكي قانون آره سنده بوجهله شو نقطهده متبارز بفرق موجود اولمغله
برابر وصيرلرلر تحت وصايتلرنده كى غير ميزك بوقيل افعالندن متولد ضررلرلر حقنده بركونه
مسئوليتنى هرايكي قانونده قبول ايتمه مشدر . آنحق يكي جزا قانونك ۵۳ نجى مادهسى

[*] اسويچره قانون مديسى متى بوبابده بزم قانونه عاميله مطابق اولوب آرا نه حق قصورك
ضررى ايقاع ايده نك عدم تميز وضع وحالته كللك خصوصنده بولنديغنى كوستر مشدر .

اونبر یاشنی بقیه مش اولان چوققلرک بر سندن زیاده حبس ویا آغیر جزایی مستلزم بر عمل ایقاع ایلدکلی حالده وصی و ولیلرینه تسلیمنده نظارت و تقیدده اهللریله یکیدن بر جرم ایشلملرینه میدان بر اقیلرله (۲۰۰) لیرایه قدر جزایی نقدی آله جفک کنیدلرینه اخطار ایدیله جکلی و ۶۰ نجی ماده سی دخی بشقه لیرینک نفوذ و اداره و نظارتی آلتنده بولنلرک ایشلدکلی قباحتر اداره و نظارتی یاپان کیمسه لرک دقت و بصیرتیه منعی ممکن اولان انواعدن ایسه جزا فاعلدن ماعدا اداره و نظارتی حائز متبوعلر حقنده ده تطبیق اوله جفنی کوستر مشدر. مع مافیه بوا حکامک بوباید موضوع بحث ضامن ایله بر مناسبتی بوقدره اوقوات

م . طلعت

مفوق بین الملل

تورکیاده مأمورین سیاسیه و قونسلوسلرک صلاحیت قضائیه دن مصونیتی

لوزان معاهده نامه سنک برنجی ماده سنده: « اشبو معاهده نامه نك موقع مرعیتیه وضعی تاریخنندن اعتباراً بر طرفدن بریتانیا ایمپراطورلنی، فرانسه، ایتالیا، ژاپونیا، یونانستان، رومانیاء، صرب-خروات-اسلووه دن دولتی دیگر طرفدن تورکیا آره سنده و کذلک طرفین تبعه لری بینه ده حال صلح صورت قطعیه ده تکرار تأسس ایده جکدر . طرفین آره سنده مناسبات رسمیه وجود بوله جق و طرفینک اراضیلری داخلنده سیاسی و شهندری مأموزین، واقع اوله جق ائتلافات خصوصیه خلل کلکسزین، حقوق دول اساسات عمومیه سیله تعیین ایدلمش اولان معامله یه مظهر اوله جقلردر . » دیسه مذکوردر .

بونکله لوزان معاهده نامه سی حقوق دول قواعدینه استناداً بر پرنسپب وضع ایلدکده ایسه ده قواعد مذکورده نك تطبیقی صره سنده علاقه دار دولتلر آره سنده اختلاف افکار تولیدندن خالی قالیه جنی تخمین اوله بیلور .

فی الواقع دولتلرک مناسباتنده مأمورین سیاسیه نك زدرلنده مأمور اولدقلری دولتلرک صلاحیت قضائیه سندن مصونیتلری حقوق دولک بر قاعده عمومیه سی اوله رق قبول اولنیورسده بومصونیتک درجه شمولی ایله بوندن مستفید اوله جق صنف مأمورینک تعیین مسئله لری کرک نظر یاتده کرکسه تطبیقانه مختلف فیه اولوب مسائل مذکورده حکومه کوره مختلف صورتلرله حل ایلدکده در .